



**Broj/Broj: 02 –50 –1-67-28/'04
Sarajevo/Sarajevo: 22.09.2004.god**

**ZAPISNIK
28. sjednice Doma naroda
Parlamentarne skupštine Bosne i Hercegovine,
održane 9. septembra 2004.godine**

Sjednica je počela u 11,20 sati.

Sjednicom je predsjedavao Goran Milojević, predsjedavajući Doma naroda Parlamentarne skupštine Bosne i Hercegovine.

Na sjednici je bilo 14 delegata.

Osim delegata, na sjednici Doma naroda bili su: predstavnici Vijeća ministara, predstavnici međunarodnih organizacija i predstavnici sredstava javnog informiranja.

Prije prelaska na dnevni red, predsjedavajući Goran Milojević pročitao je odluku da se za delegata iz Republike Srpske u Dom naroda Parlamentarne skupštine Bosne i Hercegovine, umjesto gosp. Zorana Spasojevića, imenuje gosp. Đoko Pajić, nakon čega je delegat Đoko Pajić preuzeo dužnost davanjem svečane izjave.

Za 28. sjednicu Doma naroda usvojen je sljedeći izmijenjeni

DNEVNI RED

1. Odgovori na delegatska pitanja i delegatska pitanja;
2. Zapisnik 27. sjednice Doma naroda;
3. Izvještaj Zajedničke komisije oba doma Parlamentarne skupštine BiH o nastojanju za postizanje sporazuma o identičnom tekstu Zakona o izmjenama i dopunama Zakona o Pravobranilaštvu BiH;
4. Zahtjev Vijeća ministara za razmatranje Prijedloga zakona o izmjenama i dopunama Zakona o Sudu BiH po hitnom postupku, u skladu s članom 100. Poslovnika;
5. Zahtjev Vijeća ministara za razmatranje Prijedloga zakona o izmjenama i dopunama Zakona o Tužilaštvu BiH po hitnom postupku, u skladu s članom 100. Poslovnika;
6. Zahtjev Vijeća ministara za razmatranje Prijedloga zakona o izmjenama i dopunama Krivičnog zakona BiH po hitnom postupku, u skladu s članom 100. Poslovnika;
7. Zahtjev Vijeća ministara za razmatranje Prijedloga zakona o ustupanju predmeta od strane Međunarodnog krivičnog suda za bivšu Jugoslaviju Tužilaštvu Bosne i Hercegovine i korištenju dokaza pribavljenih od Međunarodnog krivičnog suda za bivšu Jugoslaviju u

- postupcima pred sudovima u Bosni i Hercegovini po hitnom postupku, u skladu s članom 100. Poslovnika;
8. Zahtjev Vijeća ministara za razmatranje Prijedloga zakona o izmjenama i dopunama Zakona o zaštiti svjedoka pod prijetnjom i ugroženih svjedoka po hitnom postupku, u skladu s članom 100. Poslovnika;
 9. Zahtjev Vijeća ministara za razmatranje Prijedloga zakona o osnivanju Izvozno-kreditne agencije BiH po hitnom postupku, u skladu s članom 99. Poslovnika;
 10. Zahtjev Vijeća ministara za razmatranje Prijedloga zakona o uplatama na jedinstveni račun i raspodjeli prihoda po hitnom postupku, u skladu s članom 99. Poslovnika;
 11. Zahtjev Vijeća ministara za razmatranje Prijedloga zakona o finansiranju institucija BiH po hitnom postupku, u skladu s članom 99. Poslovnika;
 12. Prijedlog zakona o hrani - prvo čitanje;
 13. Prijedlog zakona o tehničkim zahtjevima za proizvode i ocjenjivanju usklađenosti - prvo čitanje;
 14. Prijedlog zakona o općoj sigurnosti proizvoda - prvo čitanje;
 15. Prijedlog zakona o pomilovanju - prvo čitanje;
 16. Prijedlog zakona o sjemenu i sadnom materijalu poljoprivrednih biljaka Bosne i Hercegovine – prvo čitanja;
 17. Prijedlog zakona o mineralnim gnojivima – prvo čitanje;
 18. Prijedlog zakona o zaštiti novih sorti biljaka Bosne i Hercegovine – prvo čitanje;
 19. Prijedlog zakona o nadzoru nad tržištem Bosne i Hercegovine – prvo čitanje;
 20. Prijedlog zakona o izmjenama i dopunama Zakona o putnim ispravama Bosne i Hercegovine – prvo čitanje;
 21. Prijedlog zakona o fitofarmaceutskim sredstvima Bosne i Hercegovine – prvo čitanje;
 22. Prijedlog zakona o utvrđivanju i načinu izmirenja unutrašnjeg duga Bosne i Hercegovine – prvo čitanje;
 23. Prijedlog zakona o Društvu crvenog križa Bosne i Hercegovine – prvo čitanje;
 24. Prijedlog zakona o porezu na dodanu vrijednost (PDV) – prvo čitanje;
 25. Prijedlog zakon o carinskoj politici BiH – prvo čitanje;
 26. Prijedlog zakona o Državnoj graničnoj službi – prvo čitanje;
 27. Prijedlog zakona o nestalim osobama u BiH – prvo čitanje;
 28. Prijedlog zakona o flaširanim pitkim vodama BiH – prvo čitanje;
 29. Prijedlog zakona o Agenciji za unapređenje stranih investicija u BiH- prvo čitanje;
 30. Prijedlog zakona o nadzoru i kontroli prelaska državne granice – prvo čitanje;
 31. Izvještaj Izborne komisije BiH o finansiranju Općinskih izbora 2004. godine;
 32. Imenovanje člana Vijeća Regulatorne agencije za komunikacije BiH;
 33. Davanje saglasnosti za ratifikaciju Sporazuma između Bosne i Hercegovine i Organizacije za zabranu hemijskog oružja (OPCW) o privilegijama i imunitetima OPCW-a;
 34. Imenovanje člana Komisije za kontrolu Obavještajno-sigurnosne agencije.

Ad:1. Odgovori na delegatska pitanja i delegatska pitanja

Odgovore na delegatska pitanja dobili su: Tomislav Limov, Osman Brka i Hilmo Neimarlija.

Delegat Tomislav Limov nije zadovoljan odgovorom.

Delegat Osman Brka djelimično je zadovoljan odgovorom.

Delegat Tomislav Limov postavio je pitanje Vijeću ministara i Predsjedništvu BiH:

1. "Ima li Bosna i Hercegovina, i od kojeg državnog organa i kada, utvrđenu Platformu za pregovore s Republikom Hrvatskom i Državnom zajednicom Srbije i Crne Gore o definiranju granične linije između Bosne i Hercegovine i naznačenih susjednih država?"
2. Kakvi su ključni stavovi susjednih država, s jedne strane, i kakvi su naši stavovi, s druge strane, oko eventualnih spornih tačaka državne granice, te u kojoj su fazi rečeni pregovori?"
3. Ko su pregovarači u ime Bosne i Hercegovine, kakav je i do kada traje njihov mandat i koji ih je i kada državni organ Bosne i Hercegovine imenovao?"

Delegat Osman Brka postavio je pitanje Vijeću ministara i Predsjedništvu BiH:

1. "Šta će poduzimati nadležni državni organi Bosne i Hercegovine, Predsjedništvo Bosne i Hercegovine i Vijeće ministara da se onemogući djelovanje pojedinaca iz inozemstva koji dolaze u ovu zemlju i unose nemir i raspiruju nacionalnu, vjersku i svaku drugu međuljudsku mržnju?"
2. Šta je poduzeto od nadležnih organa povodom istupa visokorangiranog političara iz Srbije i Crne Gore na predizbornim skupovima u manjem bosanskohercegovačkom entitetu?"

Delegat Velimir Jukić postavio je pitanje Vijeću ministara:

"Koliki je broj zaposlenih i kakva je nacionalna struktura zaposlenih a naročito novinara u javnim RTV servisima u Bosni i Hercegovini (BHTV 1, RTRS, FTV), odnosno radiotelevizijskim kućama u BiH koje se finansiraju iz sredstava od RTV takse?"

Ad: 2. Zapisnik 27. sjednice Doma naroda

Zapisnik 27. sjednice Doma naroda usvojen je jednoglasno.

Ad:3. Izvještaj Zajedničke komisije oba doma Parlamentarne skupštine BiH o nastojanju za postizanje sporazuma o identičnom tekstu Zakona o izmjenama i dopunama Zakona o Pravobranilaštvu BiH

U raspravi nije niko učestvovao.

Dom naroda jednoglasno je usvojio Izvještaj Zajedničke komisije oba doma o postizanju sporazuma o identičnom tekstu Zakona o izmjenama i dopunama Zakona o Pravobranilaštvu BiH.

Ad:4. – 8. Zahtjev Vijeća ministara za razmatranje po hitnom postupku, u skladu s članom 100. Poslovnika

- **Prijedloga zakona o izmjenama i dopunama Zakona o Sudu BiH**
- **Prijedloga zakona o izmjenama i dopunama Zakona o Tužilaštvu BiH**
- **Prijedloga zakona o izmjenama i dopunama Krivičnog zakona BiH**
- **Prijedloga zakona o ustupanju predmeta od strane Međunarodnog krivičnog suda za bivšu Jugoslaviju Tužilaštvu Bosne i Hercegovine i korištenju dokaza pribavljenih od Međunarodnog krivičnog suda za bivšu Jugoslaviju u postupcima pred sudovima u Bosni i Hercegovini**
- **Prijedloga zakona o izmjenama i dopunama Zakona o zaštiti svjedoka pod prijetnjom i ugroženih svjedoka**

U raspravi nije niko učestvovao.

Na sjednici Doma naroda nije bilo entitetske većine kod glasanja o zahtjevu Vijeća ministara za razmatranje po hitnom postupku u skladu s članom 100. Poslovnika Doma sljedećih zakona:

- Prijedloga zakona o izmjenama i dopunama Zakona o Sudu BiH
- Prijedloga zakona o izmjenama i dopunama Zakona o Tužilaštvu BiH
- Prijedloga zakona o izmjenama i dopunama Krivičnog zakona BiH
- Prijedloga zakona o ustupanju predmeta od strane Međunarodnog krivičnog suda za bivšu Jugoslaviju Tužilaštvu Bosne i Hercegovine i korištenju dokaza pribavljenih od Međunarodnog krivičnog suda za bivšu Jugoslaviju u postupcima pred sudovima u Bosni i Hercegovini
- Prijedloga zakona o izmjenama i dopunama Zakona o zaštiti svjedoka pod prijetnjom i ugroženih svjedoka

U skladu s Poslovníkom Doma naroda, Kolegij Doma naroda pokušat će postići saglasnost.

Ad:9. Zahtjev Vijeća ministara za razmatranje Prijedloga zakona o osnivanju Izvoznokreditne agencije BiH po hitnom postupku, u skladu s članom 99. Poslovnika

U raspravi nije niko učestvovao.

Dom naroda jednoglasno je usvojio zahtjev za razmatranje po članu 99. Poslovnika Doma naroda Prijedloga zakona o osnivanju Izvoznokreditne agencije BiH.

Ad:10. Zahtjev Vijeća ministara za razmatranje Prijedloga zakona o uplatama na jedinstveni račun i raspodjeli prihoda po hitnom postupku, u skladu s članom 99. Poslovnika

U raspravi nije niko učestvovao.

Dom naroda jednoglasno je usvojio zahtjev za razmatranje po članu 99. Poslovnika Doma naroda Prijedloga zakona o uplatama na jedinstveni račun i raspodjeli prihoda.

Ad:11. Zahtjev Vijeća ministara za razmatranje Prijedloga zakona o finansiranju institucija BiH po hitnom postupku, u skladu s članom 99. Poslovnika

U raspravi nije niko učestvovao.

Dom naroda jednoglasno je usvojio zahtjev za razmatranje po članu 99. Poslovnika Doma naroda Prijedloga zakona o finansiranju institucija BiH.

Ad:12. Prijedlog zakona o hrani - prvo čitanje

U raspravi su učestvovali Hasan Čengić i Đoko Pajić.

Dom naroda je većinom glasova usvojio Prijedlog zakona o hrani u oba čitanja u istovjetnom tekstu kao i na Predstavničkom domu.

Ad:13. Prijedlog zakona o tehničkim zahtjevima za proizvode i ocjenjivanju usklađenosti - prvo čitanje

U raspravi nije niko učestvovao.

Dom naroda jednoglasno je usvojio Prijedlog zakona o tehničkim zahtjevima za proizvode i ocjenjivanju u oba čitanja u istovjetnom tekstu kao i na Predstavničkom domu.

Ad:14. Prijedlog zakona o općoj sigurnosti proizvoda - prvo čitanje

U raspravi nije niko učestvovao.

Dom naroda jednoglasno je usvojio Prijedlog zakona o općoj sigurnosti proizvoda u oba čitanja u istovjetnom tekstu kao i na Predstavničkom domu.

Ad:15. Prijedlog zakona o pomilovanju - prvo čitanje

U raspravi je učestvovao Ilija Filipović.

Dom naroda jednoglasno je usvojio Prijedlog zakona o pomilovanju u oba čitanja s četiri amandmana koji su istovjetni kao i na Predstavničkom domu.

Amandman 1.

U članu 11. stav 2. riječi: «kraće od jedne godine» mijenjaju se riječima: «od jedne godine i manje».

Amandman 2.

U članu 14. stav 1. iza riječi: «Ministarstvo pravde Bosne i Hercegovine» stavlja se tačka, a riječi: «zajedno sa svojim mišljenjem o opravdanosti molbe» brišu se.

Amandman 3.

U članu 16. riječ «izuzetno» briše se.

Amandman 4.

U članu 17. u stav 1. riječi «u saradnji sa predsjednikom Suda Bosne i Hercegovine i Glavnim tužiocem Bosne i Hercegovine» brišu se i na kraju dodaju riječi:»i krivična djela propisana Zakonom Brčko Distrikta Bosne i Hercegovine.»

Iza sava 1. dodaje se novi stav 2. koji glasi:

«U zajedničku komisiju iz prethodnog stava ne mogu biti imenovana lica koja su nosioci pravosudnih funkcija»

Stavak 5. briše se.

Ad:16. Prijedlog zakona o sjemenu i sadnom materijalu poljoprivrednih biljaka Bosne i Hercegovine – prvo čitanje

U raspravi je učestvovao Osman Brka.

Dom naroda jednoglasno je usvojio u oba čitanja u predloženom tekstu Prijedlog zakona o sjemenu i sadnom materijalu poljoprivrednih biljaka Bosne i Hercegovine.

Budući da je Zakon usvojen u različitom tekstu na Predstavničkom domu, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

- Vinko Radovanović
- Tomislav Limov
- Halid Genjac

Ad-17. Prijedlog zakona o mineralnim gnojivima – prvo čitanje

U raspravi je učestvovao Đoko Pajić.

Dom naroda jednoglasno je usvojio Prijedlog zakona o mineralnim gnojivima u oba čitanja u istovjetnom tekstu kao i na Predstavničkom domu.

Ad:18. Prijedlog zakona o zaštiti novih sorti biljaka Bosne i Hercegovine – prvo čitanje

U raspravi nije niko učestvovao.

Dom naroda jednoglasno je usvojio Prijedlog zakona o zaštiti novih sorti biljaka Bosne i Hercegovine u oba čitanja u istovjetnom tekstu kao i na Predstavničkom domu.

Ad:19. Prijedlog zakona o nadzoru nad tržištem Bosne i Hercegovine – prvo čitanje

U raspravi su učestvovali Hasan Čengić i Velimir Jukić.

Dom naroda jednoglasno je usvojio Prijedlog zakona o nadzoru nad tržištem Bosne i Hercegovine u oba čitanja u istovjetnom tekstu kao i na Predstavničkom domu sa sljedećim zaključkom:

1. Dom naroda upozorava Vijeće ministara na nejedinstveno rješenje pitanja odnosa direktora, zamjenika direktora, sekretara i/ili pomoćnika direktora u državnim upravama, agencijama, u smislu nacionalne zastupljenosti, s obzirom na činjenicu da su sekretari i/ili pomoćnici državni službenici i ne spadaju u kategoriju koja se mijenja.
2. Traži se od Vijeća ministara da napravi cjelovitu analizu broja mjesta direktora, zamjenika direktora, sekretara i/ili pomoćnika, vodeći računa o zakonskim rješenjima koja postoje.
3. Traži se od Vijeća ministara da predloži cjelovito rješenje, koje će osigurati ustavnu jednakost sva tri naroda u rukovođenju državnim institucijama i agencijama.

Ad:20. Prijedlog zakona o izmjenama i dopunama Zakona o putnim ispravama Bosne i Hercegovine – prvo čitanje

U raspravi nije niko učestvovao.

Dom naroda jednoglasno je usvojio u oba čitanja Prijedlog zakona o izmjenama i dopunama Zakona o putnim ispravama Bosne i Hercegovine s jednim amandmanom.

Amandman 1.

U članu 9. stav 5. riječi «u roku od 24 sata» mijenjaju se i glase: «u roku od 48 sati».

Budući da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

- Nade Radović
- Ilija Filipović
- Hasan Čengić

Dom naroda usvojio je sljedeći zaključak:

Dom naroda, s obzirom na veliki broj izmjena i dopuna ovog zakona, predlaže Vijeću ministara da izradi prečišćeni tekst ovog zakona.

Ad:21. Prijedlog zakona o fitofarmaceutskim sredstvima Bosne i Hercegovine – prvo čitanje

U raspravi nije niko učestvovao.

Dom naroda jednoglasno je usvojio Prijedlog zakona o fitofarmaceutskim sredstvima Bosne i Hercegovine u oba čitanja u istovjetnom tekstu kao i na Predstavničkom domu.

Ad:22. Prijedlog zakona o utvrđivanju i načinu izmirenja unutrašnjeg duga Bosne i Hercegovine – prvo čitanje

U raspravi nije niko učestvovao.

Dom naroda jednoglasno je usvojio Prijedlog zakona o utvrđivanju i načinu izmirenja unutrašnjeg duga Bosne i Hercegovine u oba čitanja u istovjetnom tekstu kao i na Predstavničkom domu.

Ad:23. Prijedloga zakona o Društvu crvenog križa Bosne i Hercegovine – prvo čitanje

U raspravi nije niko učestvovao.

Dom naroda jednoglasno je usvojio u oba čitanja u predloženom tekstu Prijedlog zakona o Društvu crvenog križa Bosne i Hercegovine.

Budući da je Zakon usvojen u različitom tekstu na Predstavničkom domu, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

- Vinko Radovanović
- Ilija Filipović
- Hilmo Neimarlija

Ad:24. Prijedlog zakona o porezu na dodanu vrijednost (PDV) – prvo čitanje

U raspravi su učestvovali: Nade Radović, Hasan Čengić, Osman Brka, Tomislav Limov, Branko Zrno, Velimir Jukić i Mustafa Pamuk.

Dom naroda je, razmatrajući Prijedlog zakona o porezu na dodanu vrijednost (PDV), donio sljedeći zaključak:

1. Dom naroda podržava princip da se u Prijedlog zakona o porezu na dodanu vrijednost uvede diferencirana stopa, koju je utvrdila nadležna komisija.
2. Dom naroda traži od nadležne komisije da, u skladu s članom 90.3. Poslovnika Doma naroda, u roku do 15 dana sastavi novi izvještaj o Prijedlogu zakona o porezu na dodanu vrijednost uzimajući u obzir raspravu koja je vođena kao i nove amandmane.

Ad:25. Prijedlog zakon o carinskoj politici BiH – prvo čitanje

U raspravi je učestvovao Hasan Čengić.

Dom naroda jednoglasno je usvojio u prvom čitanju Prijedlog zakona o carinskoj politici.

Ad:26. Prijedlog zakona o Državnoj graničnoj službi – prvo čitanje

U raspravi je učestvovao Boško Šiljegović.

Dom naroda jednoglasno je usvojio u prvom čitanju Prijedlog zakona o Državnoj graničnoj službi.

Ad:27. Prijedlog zakona o nestalim osobama u BiH – prvo čitanje

U raspravi nije niko učestvovao.

Dom naroda jednoglasno je usvojio u oba čitanja u predloženom tekstu Prijedlog zakona o nestalim osobama u BiH.

Budući da je Zakon usvojen u različitom tekstu na Predstavničkom domu, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

- Đoko Pajić
- Osman Brka
- Ante Spajić

Ad:28. Prijedlog zakona o flaširanim pitkim vodama BiH – prvo čitanje

U raspravi je učestvovao Osman Brka.

Dom naroda jednoglasno je usvojio Prijedlog zakona o flaširanim pitkim vodama Bosne i Hercegovine u oba čitanja u istovjetnom tekstu kao i na Predstavničkom domu.

Ad:29. Prijedlog zakona o Agenciji za unapređenje stranih investicija u BiH-prvo čitanje

U raspravi je učestvovao Hasan Čengić.

Dom naroda jednoglasno je usvojio u oba čitanja Prijedlog zakona o Agenciji za unapređenje stranih investicija u BiH s četiri amandmana.

Amandman 1.

U članu 2. stav 2. mijenja se i glasi: «Sjedište Agencije je u Srpskom Sarajevu».

Amandman 2.

Član 7. mijenja se i glasi:

1. Direktora, zamjenika direktora i sekretara Agencije imenuje Vijeće ministara BiH na prijedlog predsjedavajućeg Vijeća ministara BiH.
2. Direktora, zamjenika direktora i sekretara imenuje Vijeće ministara BiH na period od četiri godine s tim da na istu funkciju mogu biti imenovani još jedan mandat.

Amandman 3.

Član 9. mijenja se i glasi:

1. Upravni odbor Agencije sastoji se od devet članova.
2. Članovi Upravnog odbora imenuju se na period od dvije godine.
3. Imenovanje članova Upravnog odbora vrši se kako slijedi:
 - a) dva člana imenuje Vijeće ministara BiH;
 - b) po jednog člana imenuje Vlada Federacije BiH i Vlada Republike Srpske;
 - c) jednog člana imenuje Vanjskotrgovinska komora BiH;
 - d) dva člana predstavljaju poslovnu zajednicu u Bosni i Hercegovini, na način da po jednog člana imenuje Asocijacija poslodavaca u Federaciji BiH i Savez poslodavaca Republike Srpske;
 - e) dva člana predstavljaju zajednicu stranih investitora u Bosni i Hercegovini, a imenuju se od Udruženja stranih investitora u Bosni i Hercegovini.

Amandman 4.

U članu 18. dodaje se stav 2. koji glasi: "Period od osnivanja agencije Odlukom iz člana 17. bit će uzet u obzir prilikom primjene člana 7. stav 2.

Budući da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

- Mustafa Pamuk
- Velimir Jukić
- Vinko Radovanović

Ad:30. Prijedlog zakona o nadzoru i kontroli prelaska državne granice – prvo čitanje

U raspravi su učestvovali Halid Genjac i Boško Šiljegović.

Dom naroda je, razmatrajući Prijedlog zakona o nadzoru i kontroli prelaska državne granice, donio sljedeći zaključak:

U skladu s Poslovníkom Doma naroda, traži se od nadležne komisije da sastavi novi izvještaj o Prijedlogu zakona o nadzoru i kontroli prelaska državne granice.

Ad:31. Izvještaj Izborne komisije BiH o finansiranju Općinskih izbora 2004. godine

U raspravi je učestvovao Đoko Pajić.

Dom naroda je većinom glasova usvojio Izvještaj Izborne komisije BiH o finansiranju Općinskih izbora 2004. godine.

Ad:32. Imenovanje člana Vijeća Regulatorne agencije za komunikacije BiH

U raspravi nije niko učestvovao.

Dom naroda je imenovao prof.dr. Milorada Živanovića za člana Vijeća Regulatorne agencije za komunikacije Bosne i Hercegovine.

Ad:33. Davanje saglasnosti za ratifikaciju Sporazuma između Bosne i Hercegovine i Organizacije za zabranu hemijskog oružja (OPCW) o privilegijama i imunitetima OPCW-a

U raspravi nije niko učestvovao.

Dom naroda jednoglasno je dao saglasnost za ratifikaciju Sporazuma između Bosne i Hercegovine i Organizacije za zabranu hemijskog oružja (OPCW) o privilegijama i imunitetima OPCW-a.

Ad.34. Imenovanje člana Komisije za kontrolu Obavještajno-sigurnosne agencije

U raspravi su učestvovali Boško Šiljegović i Tomislav Limov.

Dom naroda je, umjesto Nadeta Radovića, imenovao Đoku Pajića za člana Komisije za kontrolu Obavještajno-sigurnosne agencije.

Sjednica je završena u 17,35 sati.

Sastavni dio ovog zapisnika je neautorizirani transkript sjednice.

**SEKRETAR
DOMA NARODA
Jadranko Tomić**

**PREDSJEDAVAJUĆI
DOMA NARODA
Goran Milojević**